

Na osnovu člana 64. stav 1. tačka a), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), Rješenja o prenosu ovlaštenja na državnog službenika u organu državne službe broj: 02/04-A-17984-2024 od 15.11.2024. godine te na osnovu preporuke Komisije za nabavke, a po provedenom postupku za nabavku radova putem otvorenog postupka, Pomoćnik gradonačelnika za Službu za komunalne poslove izgradnju i poslove mjesnih zajednica, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za nabavke, te se ugovor za nabavku radova na modernizaciji i izgradnji javne rasvjete u gradu Tuzli, po lotovima dodjeljuje:

- za LOT 1: Nabavka radova na modernizaciji javne rasvjete na dijelu Južne saobraćajnice, ponuđaču „Tuzex“ d.o.o. Tuzla, koji je dostavio ponudu broj: 18-7-10/25 od 18.07.2025.godine u kojoj je ponuđena cijena od 61.926,00 KM bez PDV-a, odnosno 72.453,42 KM sa PDV-om;
- za LOT 2: Nabavka radova na izgradnji energetske efikasne javne rasvjete u MZ Pasci Gornji, na dionici puta Smajići – Ravna Trešnja, ponuđaču „KOP I KO“ d.o.o. Živinice, koji je dostavio ponudu broj: KPK-48/25 od 18.07.2025.godine u kojoj je ponuđena cijena od 18.984,00 KM bez PDV-a, odnosno 22.211,28 KM sa PDV-om.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-006138-2025 od 25.04.2025. godine. Postupak nabavke je proveden putem otvorenog postupka javne nabavke za koji je objavljeno Obavještenje o nabavci broj: 1004-1-3-93-3-151/25 na Portalu javnih nabavki dana 01.07.2025. godine.

Postupak nabavke provela je Komisija za nabavke imenovana Rješenjem broj: 05/11-A-006138-2025 od 25.04.2025. godine i Rješenjem o izmjeni Rješenja o imenovanju Komisije za nabavke, broj: 05/11-A-006138-2025 od 20.06.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

LOT1.

U postupku javne nabavke utvrđeno je slijedeće:

- da je ukupan broj pristiglih ponuda 2 (dva);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da je 1 (jedna) ponuda prihvatljiva i
- da je 1 (jedna) ponuda neprihvatljiva i nepravilna.

LOT2.

U postupku javne nabavke utvrđeno je slijedeće:

- da je ukupan broj pristiglih ponuda 2 (dva);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da su 2 (dvije) ponude prihvatljive i
- da nema neprihvatljivih i nepravilnih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač „Tuzex“ d.o.o. Tuzla jedini dostavio prihvatljivu ponudu za LOT1., a da je ponuđač „KOP I KO“ d.o.o. Živinice za LOT2. dostavio ponudu koja je ocijenjena prihvatljivošću i sa najvećim brojem bodova, te je odlučeno je kao u članu 1. ove Odluke.

Detaljno obrazloženje razloga za izbor najpovoljnijeg ponuđača, navedeno je u Zapisniku o pregledu i ocjeni ponuda, broj: 05/11-A-006138-2025 od 29.09.2025. godine koji se dostavlja uz ovu Odluku ponuđačima koji su učestvovali u predmetnom postupku nabavke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema ove Odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-006138-2025
Datum, 10.10.2025.godine**

**Pomoćnik gradonačelnika za Službu za
komunalne poslove, izgradnju i poslove mjesnih zajednica**

dr.sci. Miralem Mulać, dipl.ing.geol.